

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
MINISTARSTVO ZDRAVSTVA
TUZLA**

Broj: 13/1-33-8419/26
Tuzla, 27.03.2026.godine

Na osnovu člana 14. i člana 23. Zakona o ministarskim i drugim organima uprave Tuzlanskog kantona („Službene novine Tuzlanskog kantona“ broj 10/18 – prečišćeni tekst), člana 12. Zakona o apotekarskoj djelatnosti („Službene novine Federacije BiH“, broj: 40/10) i člana 6. stav 1. Pravilnika o bližim uvjetima u pogledu prostora, opreme i kadra, kriterijima za osnivanje i obavljanje apotekarske djelatnosti u svim organizacionim oblicima, kao i načinu i postupku njihove verifikacije („Službene novine Federacije BiH“, broj: 44/12, 23/13, 27/14 i 36/19), Ministarstvo zdravstva donosi

O D L U K U

o određivanju slobodnih lokacija za osnivanje apoteka u Tuzlanskom kantonu u 2026. godini

I

Ovom Odlukom se određuju slobodne lokacije u Tuzlanskom kantonu na kojima se može osnovati apoteka u 2026. godini (u daljem tekstu: Odluka) u skladu sa članom 6. Pravilnika o bližim uvjetima u pogledu prostora, opreme i kadra, kriterijima za osnivanje i obavljanje apotekarske djelatnosti u svim organizacionim oblicima, kao i načinu i postupku njihove verifikacije („Službene novine Federacije BiH“, broj: 44/12, 23/13, 27/14 i 36/19) (u daljem tekstu: Pravilnik) i utvrđuju uslovi, postupak i kriteriji za dodjelu slobodnih lokacija u Tuzlanskom kantonu za osnivanje apoteka u 2026. godini.

II

Slobodne lokacije u smislu tačke I ove Odluke su određene u skladu sa demografskim i geografskim kriterijima iz člana 3. i 4. Pravilnika i zahtjeva gradova/općina u Tuzlanskom kantonu, kao potreba lokalnih zajednica za apotekarskom službom i to:

1. Demografski i geografski kriteriji iz člana 3. i 4. Pravilnika:

1.1. OPĆINA KLADANJ – jedna lokacija (izuzev mjesnih zajednica Kladanj i Stupari)

2. Potrebe/zahtjevi gradova/općina za potekarskom službom:

2.1. GRAD GRAČANICA – jedna lokacija

1. Mjesna zajednica Gračanica

2.2. GRAD GRADAČAC – jedna lokacija

1. Mjesna zajednica Mionica 3

2.3. GRAD SREBRENİK – dvije lokacije

1. Mjesna zajednica Srebrenik I
2. Mjesna zajednica Kiseljak

2.4. GRAD ŽIVINICE – tri lokacije

1. Mjesna zajednica Kovači
2. Mjesna zajednica Živinice Centar
3. Mjesna zajednica Oskova

2.5. OPĆINA BANOVIĆI – jedna lokacija

1. Mjesna zajednica Grad III

III

Međusobna udaljenost između dvije apoteke ne može biti manja od 400 metara najbliže cestovne povezanosti.

Međusobna udaljenost apoteka iz stava 1. ove tačke utvrđuje se izmjerom ovlaštenog lica za obavljanje geodetskih poslova u skladu sa važećim propisima iz ove oblasti.

IV

Izraz apoteka u smislu ove Odluke smatra se apoteka zdravstvena ustanova, ogranak apoteke zdravstvene ustanove i apoteka privatna praksa.

V

Saglasnosti na lokacije za osnivanje apoteka dodjeljuju se za utvrđene slobodne lokacije u tački II.

VI

Uslove koje podnosilac zahtjeva mora ispunjavati su:

- a) da je magistar farmacije sa prebivalištem u Federaciji BiH,
- b) da je domaće ili strano pravno ili fizičko lice,
- c) da je apoteka zdravstvena ustanova sa registracijom upisana u sudski registar nadležnog suda u Federaciji BiH.

VII

Zahtjev se dostavlja Ministarstvu zdravstva Tuzlanskog kantona od prvog narednog dana od dana stupanja na snagu ove Odluke.

Rok za dostavljanje zahtjeva iz stava 1. ove tačke je 8 dana od dana stupanja na snagu ove Odluke.

VIII

Podnosilac zahtjeva može podnijeti zahtjev za saglasnost na samo jednu lokaciju utvrđenu ovom Odlukom.

Uz zahtjev se prilaže:

- a) za tačku VI pod a) diplomu magistra farmacije i obrazac PBA 3 - dokaz o prebivalištu,
- b) za tačku VI pod b) izvod iz sudskog registra, obrazac PBA 3 - dokaz o prebivalištu,
- c) za tačku VI pod c) izvod iz sudskog registra nadležnog suda u Federaciji BiH.

IX

Pored dokaza iz tačke VIII ove Odluke, podnosioci zahtjeva mogu priložiti i druge dokaze iz tačke X ove Odluke.

X

Ukoliko dva ili više podnosilaca zahtjeva iz tačke VI ove Odluke, apliciraju za davanje saglasnosti na istu lokaciju, prilikom odlučivanja za dodjelu saglasnosti na lokaciju uzimaju se u obzir, po redu prioriteta, sljedeći kriteriji:

1. Ukoliko je podnosilac zahtjeva magistar farmacije sa licencom od nadležne komore, a koji se u trenutku donošenja ove Odluke nalazio na evidenciji Službe za zapošljavanje Tuzlanskog kantona (dokaz: diploma, licenca i Uvjerenje od JU Služba za zapošljavanje),
2. Vlasništvo ili zakup poslovnog prostora u kojem se planira otvoriti apoteka, a koji površinom zadovoljava uslove prostora iz Pravilnika, minimalno za ogranak – privatnu praksu (dokaz: ZK izvadak, Ugovor o kupoprodaji poslovnog prostora ili drugi dokaz o vlasništvu, Ugovor o zakupu poslovnog prostora),
3. Prilaganje geodetskog izmjera za buduću lokaciju u skladu sa članom 4. Pravilnika (izmjer ovlaštenog lica),
4. U cilju poticanja razvoja poduzetništva, slobodnog razvoja konkurencije na tržištu, dati prednost zahtjevu fizičkog lica koje nije osnivač bilo kojeg pravnog lica ili apoteke u bilo kojem organizacionom obliku na teritoriji BiH na dan donošenja ove Odluke (dokaz: ovjerena Izjava),
5. Ukoliko aplicira više apoteka zdravstvenih ustanova, a u cilju sprečavanja razvoja nelojalne konkurencije, dati prednost apoteci zdravstvenoj ustanovi koja ima manji broj organizacionih jedinica u svom sastavu na području Federacije BiH (dokaz: Rješenja kantonalnih ministarstava zdravstva o organizovanju organizacionih jedinica sa područja Federacije BiH);
6. Ukoliko aplicira više pravnih lica, dati prednost pravnom licu koje nema upisanu nijednu poslovnu jedinicu,
7. Ukoliko svi navedeni kriteriji budu izjednačeni, uzimajući u u obzir i tačku XI ove Odluke, saglasnost na lokaciju za osnivanje apoteka dodjeljuje se podnosiocu zahtjeva koji se prvi prijavio na slobodnu lokaciju.

Svi dokazi se prilažu u originalu ili ovjerenoj kopiji.

XI

Nezaposleno lice, koje se nalazi na evidenciji JU Služba za zapošljavanje Tuzlanskog kantona, iz člana 1. stav (1) i (2) Zakona o dopunskim pravima branitelja/branilaca i članova njihovih obitelji/ porodica („Službene novine Tuzlanskog kantona“, broj: 10/20-prečišćeni tekst, 14/22, 9/23, 5/24, 13/24 i 3/26) (član porodice šehida, poginulih, umrlih i nestalih branilaca, ratni vojni invalid, dobitnik ratnih priznanja i odlikovanja, demobilisani branilac i mirnodopski vojni invalida, članovi porodice ratnog vojnog invalida, dobitnika ratnog priznanja i odlikovanja, mirnodopskog vojnog invalida i demobilisanog borca, ima pravo na osiguranje povoljnih uslova shodno članu 14. Zakona o dopunskim pravima branitelja/branilaca i članova njihovih obitelji/ porodica.

Da bi ostvario prioritet na lokaciju, lice iz stava 1. ove tačke, koje ispunjava uslove za ostvarivanje tog prava, dužno je uz zahtjev priložiti sve dokaze o ispunjavanju traženih uslova, kao i potvrdu nadležnog organa o priznatom statusu iz stava 1. ove tačke.

XII

Osnivač buduće apoteke, odnosno budući nositelj odobrenja za privatnu praksu kojem je izdata saglasnost na lokaciju dužan je podnijeti zahtjev za osnivanje apoteke sa potpunom dokumentacijom, shodno Pravilniku najkasnije šest mjeseci od dobijanja saglasnosti, a najkasnije do 31.12.2026.godine, u suprotnom se predmetna saglasnost stavlja van snage, a ista se izdaje sljedećem podnosiocu zahtjeva, odnosno budućem nositelju odobrenja, vodeći računa da se može izdati samo jedna prethodna saglasnost na lokaciju budućem nositelju odobrenja odnosno budućem osnivaču apoteke na utvrđenoj lokaciji.

XIII

Lokacija za osnivanje apoteke koja je utvrđena Odlukom, a za koju nije podnešen zahtjev u roku iz tačke VII stav 2. Odluke, ostaje i dalje slobodna do 31.12.2026. godine.

XIV

Ova Odluka stupa na snagu narednog dana od dana objavljivanja u „Službenim novinama Tuzlanskog kantona“ i objavit će se na web stranici Ministarstva zdravstva Tuzlanskog kantona.

Dostavljeno:

- 1x Evidencija
- 1x Službene novine TK
- 1x a/a



MINISTAR

Printed: Dušanka Bećirović